

# Dab Tsi Yuav Pauv (What Will Change)?

*Txij ntawm Medicaid Waiver Programs mus rau IRIS (Include, Respect, I Self-Direct)*

*Tam sim no koj tab tom tau cov kev pab uas yog Medicaid Waiver program muab nyiaj them rau, xws li cov kev pab cuam Community Options Program (COP), Community Integration Program (CIP), los yog Brain Injury Waiver (BIW). Cov kev pab cuam no yuav hloov vim qhov kev mus sij hawm ntev (long-term care) nyob rau cheeb tsam koj nyob muaj kev hloov kho dua. Daim ntawv no yuav teb ib co lus tseem ceeb heev txog qhov kev hloov no thiab tej yam yuav raug rau koj.*

## IRIS yog dab tsi?

IRIS (Include, Respect, I Self-Direct) yog Medicaid ib qho kev pab mus sij hawm ntev uas yus yog tus tswj cov kev pab rau yus (Medicaid long-term support Self-Directed Waiver Program). Hauv txoj kev pab cuam tshiab no koj tus kheej thiab ib tug neeg tsis hais leej twg uas koj xaiv los pab koj yog cov muaj lub luag hauj lwm txiav txim seb cov kev pab twg yog coj koj yuav xav siv. Qhov chaw Aging and Disability Resource Center (ADRC) yuav qhia rau koj txhua hli seb koj muaj nyiaj li cas siv.

Txoj kev pab cuam no nws txawv qhov uas koj nyob tam sim no vim hais tias koj yog tus npaj thiab xaiv koj cov kev pab kom txaus li qhov nyiaj muab rau koj. Cov kev pab uas koj tau xaiv yuav pab kom koj nyob tau raws li lub neej li koj siab xav tau. Koj yuav tau xaiv ib tug neeg pab tswv yim uas nws txoj hauj lwm ces yog kom koj muaj ib daim hom phiaj sau cia, tsuas teev cov chaw muab kev pab uas ua tau hauj lwm (qualified providers) nkaus xwb thiab tsis txhob kim tshaj peev nyiaj uas muab rau koj. Koj yuav thov tau mus rau tom lub Department kom muab koj peev nyiaj kho, yog hais tias koj thiab koj tus neeg pab tswv yim pom tias yuav tau muab kho. Koj yog tus txiav txim xyuas seb cov kev pab ua tau hauj lwm zoo rau koj yog li cas, thiab cov kev pab uas koj xaiv ntawd yuav tsum haum ua tau hauj lwm tshwm sim rau koj. Koj yov yuav tsis tau tej khoom los yog cov kev pab uas tsis raug kev cai los yog tej yam uas pom tias tseem muab los sim ua xwb (experimental). Koj kev kev kho mob thiab cov tshuaj tseem yog Medicare thiab Medicaid ua tus them ntxiv mus. Muaj ib qhov chaw ua hauj lwm fab nyiaj txiag uas muaj ntawv cog lus nrog lub xeev (state) yog tus muab koj qhov nyiaj los them rau koj cov chaw muab kev pab (providers).

## Kuv puas yuav tau cov kev pab cuam qub?

IRIS cov kev pab mus sij hawm ntev (long-term care) muaj tas nrho cov kev pab uas ziag no muaj nyob hauv cov Medicaid Waiver programs (CIP, COP, thiab BIW) thiab qhov kev pab cuam tshiab “customized goods and services” uas yog ib qho kev pab cuam cia rau koj mam xaiv cov kev pab uas tsis yog cov ib txwm muaj (non-traditional services) uas koj mam li them raws li peev nyiaj koj muaj (budget). Koj yuav tau txais cov kev pab uas koj xaiv kom tau hauj lwm rau koj raws li qhov koj tau npaj thiab tsis kim heev. Tej zaum qhov nov yuav tsis yog tib co kev pab nyob rau them uas koj tab tom tau ziag no. Cov kev pab yuav TSIIS cia li muab txiav tu, thiab tsis muaj qhov txiav txim tias leej twg xwb thiaj li yuav tau txais kev pab. Yog koj txiav txim siab tias koj xav muab koj cov kev pab hloov dua los koj yeej ua tau. Qhov no vim hais tias qhov tau npaj nyob hauv IRIS ces yog xyuas rau

kom uas tau hauj lwm tshwm sim rau koj tus kheej siv. Cov nqi them rau cov kev pab uas koj xaiv ntawd yuav tsum tsis txhob ntau tshaj cov nyiaj muab rau koj txhua hli (monthly budget).

## **Kuv puas cia tus care manager/support thiab service coordinator qub?**

Nyob hauv IRIS, ADRC yuav xa koj mus rau xeev lub koom haum rau cov neeg pab tswv yim (independent consultant organization), uas yuav pab koj xaiv ib tus neeg pab tswv yim rau koj. Tus neeg pab tswv yim no yuav hwm thiab txhawb qhov koj yuav tswj hwm koj tej kev pab uas koj tau xaiv mus li cas. Tus neeg no yuav pab koj yog koj xav kom nws pab. Nws yuav pab koj tib yam li tus care manager/support thiab service coordinator qub pab, tiam sis nws yuav tsis tswj koj daim hom phiaj. Qhov ntawd yog koj txoj hauj lwm. Koj yuav kom cov phooj ywg, cov txheeb ze, los yog tus neeg saib koj pab koj ntau npaum li cas los tau.

## **Kuv puas tau cov chaw muab kev pab qub?**

Koj yuav xaiv cov chaw muab kev pab twg los tau– yog li yog hais tias koj xav siv cov qub thiab yog lawv tseem tau txais kev tso cai pom zoo muab kev pab, ces tau xwb. Tus nqi them rau qhov chaw muab kev pab yuav tsum txhob tshaj qhov nyiaj muab rau koj txhua hli (monthly budget). Nco ntsoov, koj yog tus txiav txim xyuas seb koj qhov chaw muab kev pab puas ua tau hauj lwm zoo rau koj raws li qhov koj them taus. Koj yuav xaiv tau ib qhov chaw muab kev pab thiab uas tsis muaj rau koj yav tas los!

Yog koj daim hom phiaj muaj qhov yuav neeg los ua hauj lwm pab koj, koj yuav xaiv tau ib qhov chaw ua hauj lwm (agency) los pab koj tswj cov neeg no, los yog koj yog tus tswv ntiav law, los yog koj koom nrog ib qhov chaw ua hauj lwm saib xyuas fab ua hauj lwm (employment agency) kom nrog koj tswj cov neeg no. Qhov chaw ua hauj lwm saib xyuas nyiaj txiag uas muaj ntawv cog lus nrog xeev (state contracted financial services agency) yog qhov pab ua cov ntawv them nyiaj hnuv nyiaj hli (payroll functions) rau cov neeg no thiab pab xyuas mee kom lawv txhob muaj txim txhaum cai li cas yav tas los.

## **Puas muaj kev txwv tias kuv tsuas siv tau kuv qhov nyiaj mus rau dab tsi xwb?**

Tsuas siv tau cov nyiaj mus rau cov kev pab uas muaj teev nyob rau hauv koj daim hom phiaj uas tau pom zoo lawm xwb. Lub xeev (ua hauj lwm nrog tus neeg pab tswv yim) yuav txwv cov kev pab uas koj tau xaiv yog hais tias:

- Koj tsis siv cov nyiaj kom txij li qhov muab rau koj siv;
- Koj muab cov nyiaj txiag los siv tsis raws kev cai;
- Koj muab cov nyiaj siv mus rau qhov yuav muaj teeb meem rau koj kev noj qab nyob zoo thiab kev kaj huv; los yog
- Muaj lwm tus los txiav txim rau koj es tsis yog li qhov koj xav tau.